

嶺海名勝記（六）

（明）郭棐編

嶺海名勝記（六）

（明）郭棐編



圖書在版編目 (CIP) 數據

嶺海名勝記：全 6 冊 / (明) 郭棐編。—桂林：
廣西師範大學出版社，2015.4

(西樵歷史文化文獻叢書)

ISBN 978-7-5495-6375-3

I. ①嶺… II. ①郭… III. ①名勝古迹—介
紹—廣東省 IV. ①K928.706.5

中國版本圖書館 CIP 數據核字 (2015) 第 029588 號

廣西師範大學出版社出版發行

(廣西桂林市中華路 22 號 郵政編碼：541001)
(網址：<http://www.bbtpress.com>)

出版人：何林夏

全國新華書店經銷

廣西大華印刷有限公司印刷

(廣西南寧市高新區科園大道 62 號 郵政編碼：530007)

開本：890 mm × 1 240 mm 1/32

印張：84.75 字數：660 千字

2015 年 4 月第 1 版 2015 年 4 月第 1 次印刷

定價：288.00 元 (全六冊)

如發現印裝質量問題，影響閱讀，請與印刷廠聯繫調換。

總目

一	評介	
一七	嶺海名勝記（南州書樓藏明刻本）書影	
一九	王學曾序	
三三	原刊本目錄	
三七	嶺海名勝全圖	
三九	卷之一 粵會記	
一八九	卷之二 粵秀山記	
二八七	卷之三 五仙觀記	
三四九	卷之四 白雲山記	
四五三	卷之五 蒲澗記	
五〇五	卷之六 浮丘記	
六三三	卷之七 海珠記	

八〇九 卷之八 石門記

二六二一

附錄一 《嶺海名勝記》 各處名勝分布地圖

八五七 卷之九 靈洲山記

二六二三

附錄二 《嶺海名勝記》 卷十三文類一覽表

一〇〇三 卷之十 南海廟記

二六二四

附錄三 《嶺海名勝記》 卷十三詩類一覽表

一一一七 卷之十一 峽山記

一三五九 卷之十二 羅浮山記

一六一九 卷之十三 西樵山記

一七九七 卷之十四 曹溪記

一九〇五 卷之十五 梅嶺記

一九六五 卷之十六 崧臺石室記

二一七五 卷之十七 韓山祠記

二二三五 卷之十八 鶴峰記

二三五二 卷之十九 厓山記

二五〇一 卷之二十 南溟奇甸記

嶺海名勝記卷之十七

嶺南郭棊篤周甫編

韓山祠記

謹按韓昌黎者有唐一代大儒也蘇子瞻稱其
文起八代之衰道濟天下之溺忠犯人主之怒
其奪三軍之帥誠知言哉其所著原道原性諸
篇深有契于孔孟傳心大指能發前賢所未發
其與董楊王並稱為儒何忝色焉公初為監察
御史論宮市謫令陽八有德士民陽山人

感之生子多以韓名少一為考功郎中遷刑部
侍郎諫迎佛骨貶潮州刺史至則除竒政驅鱷魚
延趙德督鄉校潮人始知向于正學謂非公建
旂啓鑰之力與官終吏部侍郎尚論者或以公
與柳州並稱竊觀公以正柳以竒公以誠柳以
譎所存自不同也或以公與蘇長公並稱然
竊觀公闢佛老蘇文則雜于佛老所詣又不同
也然則謂公為聖賢之學可也茲掇居潮所注
厝列于篇而以陽山行履可攷見者附焉作韓

山祠記

文類

唐書本傳

宋 初

韓愈字退之鄧州南陽人七世祖茂有功於後魏封安定王父仲卿爲武昌令有美政旣去縣人刻石頌德終祕書郎愈生三歲而孤隨伯兄會貶官嶺表會卒嫂鄭鞠之愈自知讀書日記數千言比長盡能通六經百家學擢進士第會董晉爲宣武節度使表署觀察推官晉之戶愈從喪出不四日汴

軍亂乃去依武寧節度使張建封建封辟府推官
操行堅正鯁言無所忌調四門博士遷監察御史
上疏極論宮市德宗怒貶陽山令有愛在民民生
子多以其姓字之改江陵法曹叅軍元和初權知
國子博士分司東都三歲為真改都官員外郎郎
拜河南令遷職方員外郎華陰令柳澗有臯前刺
史劾奏之未報而刺史罷澗諷百姓遮索軍頓役
直後刺史惡之按其獄貶澗房州司馬愈過華以
為刺史陰相黨上疏治之既御史覆問得澗賊再

貶封溪尉愈坐是復為博士既才高數黜官又下
遷乃作進學解以自諭執政覽之竒其才改比部
郎中史館修撰轉考功知制誥進中書舍人初憲
宗將平蔡命御史中丞裴度使諸軍按視及還具
言賊可滅與宰相議不合愈亦奏言淮西連年侵
掠得不償費其敗可立而待然未可知者在陛下
斷與不斷耳執政不喜會有人詆愈在江陵時為
裴均所厚均子鰲素無狀愈為文章字命鰲謗語
囂暴由是改太子右庶子及度使宰相節度彰義

軍宣慰淮西奏愈行軍司馬愈請乘遽先入計說
韓弘使協力元濟平遷刑部侍郎憲宗遣使者往
鳳翔迎佛骨入禁中三日乃送佛祠王公士庶奔
走膜唵至為夷法灼體膚委珍貝騰沓要路愈聞
惡之乃上表極諫帝大怒持示宰相將抵以死裴
度崔群曰愈言訐牾罪之誠宜然非內懷至忠安
能及此願少寬假以來諫爭帝曰愈言我奉佛太
過猶可容至謂東漢奉佛以後天子咸天促言何
乖刺耶愈人臣狂妄敢爾固不可赦於是中外駭

懼雖戚里諸貴亦為愈言乃貶潮州刺史既至潮以表哀謝帝頗感悔欲復用之持示宰相曰愈前所論是大愛朕然不當言天子事佛乃年促耳皇甫鏞素忌愈直即奏言愈終狂疏可且內移乃改袁州刺史初愈至潮問民疾苦皆曰惡溪有鱷魚食民畜產且盡民以是窮數日愈自往視令其屬秦濟以一羊一豕投谿水而祝之是夕暴風震電起谿中數日水盡涸西徙六十里自是潮無鱷魚患袁人以男女為隸過期不贖則没入之愈至悉

計庸得贖所沒歸之父母七百餘人因與約禁其
為隸召拜國子祭酒轉兵部侍郎鎮州亂殺田弘
正而立王廷湊詔愈宣撫既行衆皆危之元稹言
韓愈可惜穆宗亦悔詔愈度事從宜無必入愈曰
安有受君命而滯留自顧遂疾驅入廷湊嚴兵迓
之甲士陳庭旣坐廷湊曰所以紛紛者乃此士卒
也愈大聲曰天子以公為有將帥材故賜以節豈
意同賊反邪語未終士前奮曰先太師為國擊朱
滔血衣猶在此軍何負朝廷乃以為賊乎愈曰以

爲爾不記先太師也若猶記之固善且爲逆與順
利害不能遠引古事但以天寶來禍福爲爾等明
之安祿山史思明李希烈梁崇義朱滔朱泚吳元
濟李師道有若子若孫在乎亦有居官者乎衆曰
無愈曰田公以魏博六州歸朝廷官中書令父子
受旗節劉悟李祐皆大鎮此爾軍所共聞也衆曰
弘正刻故此軍不安愈曰然爾曹害田公又殘其
家矣復何道衆乃謹曰侍郎語是廷湊恐衆心動
遽麾退因泣謂愈曰今欲廷湊何所爲愈曰神策

六軍之將如牛元翼比者不少但朝廷顧大體不可棄之公久圍之何也廷湊曰即出之愈曰若爾則無事矣會元翼亦潰圍出廷湊不追愈歸奏其語帝大悅轉吏部侍郎時宰相李逢吉惡李紳欲逐之遂以愈為京兆尹兼御史大夫特詔不臺參而除紳中丞紳果劾奏命愈以詔自解其後文刺紛然宰相以臺府不協遂罷愈為兵部侍郎而出紳江西觀察使紳見帝留愈亦復為吏部侍郎長慶四年卒年五十七禮部尚書謚曰文愈性

明銳不詭隨與人交終始不少變成就後進士往
往知名經愈指授皆稱韓門小子愈官顯稍謝遣
凡內外親若交友無後者為嫁遣孤女而卹其家
嫂鄭喪為服朞以報每言文亦平自漢司馬相如太
史公劉向揚雄後作者不世出故愈深探本元卓
然樹立成一家言其原道原世師說等數十篇皆
奧衍闕深與孟軻揚雄相表裏而佐佑六經云至
它文造端置辭要為不襲蹈前人者然惟愈為之
沛然若有餘至其徒李翱李漢皇甫湜從而效之

遽不及遠甚從愈游者若孟郊張籍亦皆自名於時
贊曰唐興承五代剖分王政不綱文弊質窮蠹俚
混并天下已定治荒剔蠹討究儒術以興典憲薰
醲涵浸殆百餘年其後文章稍稍可述至貞元元
和間愈遂以六經之文為諸儒倡障隄末流反刊
以樸剗偽以真然愈之才自視司馬遷揚雄至班
固以下不論也當其所得粹然一出於正刊落陳
言橫鶩別驅汪洋大肆要之無牴牾聖人者其道
蓋自比孟軻以荀况揚雄為未淳寧不信然至